

زایسان کولی اطرافنده اوصوک Oussouns لر ساکن بولنیوردی، که بونلر هر حالده تورک - مانغول عرقدن باشقه بر عرقه منسوب قوم ایدی. سیبریای غربینک وسطلری یعنی ایرتیش و او بی نهرلرینک اووالری دینیلینی نامنده کی قوم ایله مسکون ایدی. بونلرک مائی کوزلی، صاریشین و بیاض وجودلی اولدقلری نظر دقته آینه جق اولورسه قیافتجه اسقاندینا و اقوامنک اسکی یازیلرینه مشابهدر. ینه چینلیرک روایتلرینه کوره دینیلینی اقوامندن دهاشمال طرفلرنده بیاض جلدلی، فقط اسملری بیلنمه یه ن دیگر بر قومک بولنمش اولدینی ده سویلتیور. اقوام مذکوره اوتهدنبری یک دیگرله اختلاط ایدیورلردی: ذاتاً بونلرک هپسی ده آرالرنده موانع طبیعیه دن بر شی بولنمیان بر محیطک مختلف عرقلره منسوب سکنه سی دیمک ایدی. نهایت بونلر عرقی تأثیراته تابع اوله رق بشنجی عصرده کیونفغو (هون-غون) ودها بر آز صوکرا روتوری نامنده قوملر ظاهر اولدی. فقط روتوری قومی ایکی یوز سنه طرفنده آلتایلر منطقه سنی و بوکون طومسق ولایتک بولندینی یرلری ضبط ایتدیلر. اون اوچونجی عصرده کیلیکبتزی اسمنده بر قوم پیدا اولدی. بوسره لرده مانغول - فین - تورک اقوامی اوروپایه هجوم ایله روسیه طرفلرینی ودها اوتهلرینی استیلا ایدیورلردی.

یتیمدی

ملیم ثابت

ترجمہ احوال

احمد مدحت افندینک حیات و مناقبی

(باشی کچن صابیده)

احمد مدحت افندی، انامی démocrate بر حیات سورردی. اصلزاده لک طاسلامغه، عظمت صائمغه هیچ هوس ایتمه مشدر. برقاج آرابه صاتین آلمغه

اقتداری وارکن اوکوز ویا یوک آراباسنه بینه رک بر کویلو کبی آیاقلرینی صاللایه
 صاللایه آق بابا کوی جوارنده کی اراضیسنه کیدوب کلیمش . اراضیسنده کی
 عمله ایله برابر ، طبقی اونلر کبی ، قازمه کوره کله چالیشیر ، اونلره آره صره
 ضیافتلر ترتیب ایدر ، هر وقت بولوب ییه میه جگکری ییمکری ییشیرتیر ، یدیرر ؛
 ایجاب ایدرسه اونلرله برابر اوطورور ، صوغان اکمک یرایمش . برکون عمله دن
 برینک آرقداشنه : « اکمکی قیزارتیرسک ، سوکرا بونی کوله باتیریرسک ، ایشته
 بوکا کولباصدی دیرلر . » دیدیکنی ایشیتمش ، کندیسنی استجواب ایدرک-
 عمرنده کولباصدی یمدیکنی اوکره نجه همان او کون بر دانا کسیدیره رک عملیه
 بول بول کولباصدی یدیرمشدر .

وظیفه وایش خصوصنده مسامحه بی سومز ، ایش ایچون لایه لیک ایدنلری
 تکدیر ایدرمش . یالکیز بو خصوصده سرت اولان مرحوم ، دیکر خصوصلرده
 غایت حلیم ایدی .

سیاسی مسلکندنه ساده جه مشروطیت Constitutionalisme حی ایش ؛
 یعنی پارلمانتیه مشروطیت طرفداری دگلش . ۱۳۲۴ تموزی انقلابی ایچون :
 « بو بزم انتظار ایتمدیکمز بر نعمتدر . بن حیاتنده مشروطیتک اعاده اولوندیغنی
 کوره جکمی امیدایتمیوردم . ردوسده کی مفادن عودتمزدن سوکرا حریتپرورلرک
 یک اوافق براقلیت تشکیل ایتدیکنی آ کلامش ایدک . مادامکه همت اربابی
 سایه سنده بو نعمته تکرار نائل اولدق ؛ آرتق دائمی اولارق محافظه سنه چالیشمالی یز .
 بونک محافظه سی فکری عموم خلقت دماغنه حک اولونمالیدر . یوقسه ۹۳ ده کی
 کبی خیال انکسارینه اوغرامق محتملدر . » دیرمش . « پارلامنتورذالترلی »
 مقاله سنی ، ییلدیزدن ویریلن امر اوزرینه یازدیغنی سویله ر فقط شونیده
 علاوه ایدرمش : « اوانساده اطرافده انسانه جدی اولارق امید ویره جک
 اثرلر و نظاهرلر یوق حکمنده ایدی . کیمسه مشروطیتک موفقیتله تطبیق
 ایدیه جکنه اینانامیوردی . چونکه علمسز حریت ، سربستی دکل سربازی
 (La liberté sans science est une licence) در . اونک ایچون عکسی بر تاثیر
 حاصل ایتمه سندن قورقوردق . »

حکومت شکلرندن « مطلقیت منوره » یی ایی بولور ای دیسه ده حکمدار و دولت آدم لرند و جودی الزم اولان شرطلرک عینی زمانده بولونماسی حسینله بونک چار چابوق « استبداد » ه تحول ایده جکنی ، ملی مراقبه نک ضروری اولدیغنی ، فقط مشروطیتکده فنا استعمال ایده لمسی لازم کلدیکنی سویلر مش و دیر مش که : « ملتار شیاریق چو جوقلر کیدر ، بونلری تماماً کندی حاللرینه ، اراده لرینه ترک ایتک فلا کتلیغنی موجب اولدیغنی کبی حکومتک یالکز بر اله منحصر اولماسی ده فلا کته باعث اولور . بونک ایچون ایکسی اورتاسی براداره طرزی الک موافقیدر . » دیر مش .


آل عثمانه یک زیاده حرمتی واردی . « بو خاندان هانکی بر ملت ایچنده ظهور ایتیش اولسه ایدی ، اوراده ده عینی احترامه مظهر اولور ایدی . » دیر ایدی . صوک دوت سنه ظرفنده تشکل ایدن سیاسی فرقه لرک هیچ برینه داخل دکلدی . پروغرامنی ملتک احتیاجنه بالنسبه موافق کوردیکی ایچون « اتحاد و ترقی » فرقه سنه محب ایمش . منتخب ثانی صفیه شفاهی و تحریری بر صورتده مذکور فرقه یی مدافعه ایتشدر . بونکله برابر صوک سنه لرده سیاست ایله اشتغالی یک محدود ایدی . صرف دارالفنونه ، دارالمعلمآنده و دارالشفقه ده کی وظیفه لرله اشتغال ایدر ایدی .

سیاسی محررلردن حسین جاهد یک ایچون « آتشین چو جوق » دیر ، اصول و قاعده سی داخلنده چالیشمقده دوام ایدرسه آتینک ایی بر سیاسی محرری اولاجغنی سویلر ، افاده سننده کی ساده لک و وضوحی یک زیاده تقدیر ایدر ، بعض مقاله لرینی « سهل ممتنع » دیه توصیف ایلر مش . احمد راسم بکک مقاله لرینی نوعی شخصه منحصر و استادانه بولور مش . احمد آغایف بکک ده علمی و سیاسی وقوفنی بکنیر ، عثمانلی تورکجه سننده ده زیاده ترقی ایده جکنی ، افاده سنک کیتدجه دوزه لدیکنی سویلر مش . یونس نادى بک ایچون ، وقیله کن دیسنک ردوسده تأسیس ایتدیکی مدرسه سلیمانیه دن یتیشمش ، آغیر باشلی بر محرر اولدیغنی سلانیک سیاحتنده آکلادیغنی سویلر مش .

تورکیده یاشایان مختلف عنصرلرک هپسنی سور مش . تورکلر حقنده :

« بوملت قدر ملکی خصلتله مالک بوملت ارض اوزرنده نادرده . مسعود اولغه يك لایق اولان بوملت عجباً هانکی زمان ، مزاجنه ، حسنه رعایت ایدمک شرطیله ، دوغرو یوله سوق ایدلمشده کیتمکدن امتناع ایتمشدر ؟ » دیر ایتش . عثمانیلرک توقف دورندن سوکرا زمان زمان کورولن اداره فالحلرینک بوتون تورکلره یوکلهدیللمسندن يك متأثر اولور ، جاهل و یا غرضکارلرک بوفا ادارهیه « تورک ادارهسی » دیمارینی جهل و غرضکارلغه بر نمونه عد ایدرمش . بر مصاحبه ائناسنده : « بو آدملره قارشى کوکسکزی کره کره و باغیرا باغیرا سویله یکرکه همان هیچ بر دورده حکومت ادارهسی تورکلره ، کنديارینه حصر ایتمه مشلدر . مختلف عنصرلردن هبسیده بونده مشترکدرلر . اسکیدن شیعدیکی کبی ملیت فکری موجود اولمادینی ایچون حکومت آدملرینک قومی منسوبیتلری کوزه چاریمازدی . هله استبدادک سوک دورلرنده غیر مسلم عنصرلرک و حتی بعض اجنبیلرکده بویوک بر مسئولیت حصه لری وارد . » دیمشدر . « شرقک سلامتی ، سعادت قی علوم و معارف غربیه ایله مجهز اولارق قارداش کبی یاشامیری الزم اولان عموم شرقیلرک عاقلانه اتحادینه وابسته در . » سوزینیده بومصاحبهده سویله مشدر .

ک . ن . ن



مطبوعات

اورنبورغده منتشر « وقت » رفیقمرک برمدتدنبری استانبولده بولونان باش محرری ، تورکیه احوال و وقایعی یالکر طیشندن - سیر ایدمرک دکل ، کسکین نظرینی بوللرک تا اوزینه قدر باتیره رق یازدینی طوغری ، ریاسز وفورقوسز مکتوبلریله قاره لرینه جدأ فائده لی اولور . « تورک یوردی » نك قاره لریخده او فائده دن محروم بر اقامق ایچون ، سیاسی واجتماعی حیات وتشکیلاتمزه سوزده ایش ، طیشله ایچ آره سنده موجود غریب تضادلریک آجیق کوسترن « حریت ، مساوات ، عدالت » سر لوحه لی بر مکتوبدن بعض قسملری نقل ایدیورز :